

# **STATUT**

## **RUKOMETNOG SAVEZA BOSNE I HERCEGOVINE**

**Sarajevo, 10. 06. 2017.godine**

Na osnovu čl. 10. Zakona o udruženjima i fondacijama Bosne i Hercegovine (Službeni glasnik BiH broj 32/2001, 42/2003, 43/2008, 76/2011 i 94/2016), člana 22. stav 3. Zakona o sportu BiH (Službeni glasnik BiH broj 27/2008, 102/2009 i 66/2016), Osnivačka skupština Rukometnog saveza Bosne i Hercegovine , na sjednici održanoj 10.06.2017. godine, usvojila je

**STATUT**  
**RUKOMETNOG SAVEZA**  
**BOSNE I HERCEGOVINE**

**I OPŠTE ODREDBE**

**Područje primjene**

**Član 1.**

- 1) Ovim Statutom, a u skladu sa zakonom, uređuju se sljedeća pitanja:
  - a) naziv saveza, skraćeni naziv ukoliko postoji, i adresu saveza;
  - b) ciljevi i djelatnosti saveza;
  - c) postupak za primanje i isključivanje članova;
  - d) organe Saveza, način na koji se biraju, ovlaštenja koja imaju, kvorum i pravila glasanja, trajanje mandata, lice ovlašteno da sazove skupštinu, uslovi i način raspuštanja odnosno prestanka rada;
  - e) pravila za ostvarivanje, korištenje i raspolaganje sredstvima saveza, kao i organ koji je ovlašten za nadzor nad korištenjem tih sredstava;
  - f) način podnošenja finansijskog izvještaja i izvještaja o radu;
  - g) javnost rada ;
  - h) postupak za izmjenu i dopunu statuta, ovlaštenje i način donošenja drugih opštih akata
  - i) opis oblika i sadržaj pečata i znaka Saveza;.
  - j) zastupanje saveza;
  - k) uslove i postupak za spajanje, podjela odnosno prestanka rada Saveza, uključujući i bilo kakav poseban kvorum ili pravila za postizanje kvalifikovane većine u postupku glasanja i
  - l) postupak za raspolaganje preostalim imovinom ili drugim sredstvima u slučaju raspuštanja ili prestanka rada Saveza.

**Pravni status**

**Član 2.**

- 1) U Rukometni savez Bosne i Hercegovine (u daljem tekstu: RS BiH) su ravnopravno udruženi Rukometni savez Republike Srpske registrovan rješenjem Osnovnog suda u Banja Luci broj R-11-23/93 od 15.06.1993.godije; F-1-216/02 od 19.11.2002.godine; F-1-216/02 od 24.11.2009.godine i F-1-216/02 od 07.04.2015. i Rukometni savez Federacije BiH, koji čine Kantonalni rukometni savezi i Rukometni savez Herceg Bosne registrovan rjesenjem Federalnog ministarstva pravde F BiH broj 03-05-2-366/17 od 11.05.2017.godine

- 2) RS BiH osnovan je na neodređen vremenski period.
- 3) RS BiH je nevladin, nepolitički, nezavisni sportski savez, koji je osnovan u cilju unapređenja i razvoja rukometnog sporta u Bosni i Hercegovini.
- 4) RS BiH je u skladu sa svojim karakterom, organizacijom i ciljevima, samostalna sportska organizacija Bosne i Hercegovine, sa zadatkom da organizuje i promovise rukometni sport u BiH, u skladu sa Zakonom o sportu u Bosni i Hercegovini, ovim Statutom, odlukama Skupštine i Upravnog odbora, kao i Statutom, propisima i odlukama IHF-e i EHF-e.

### **Naziv, sjedište i obilježja**

#### **Član 3.**

- 1) Naziv RS BiH glasi:
  - **RUKOMETNI SAVEZ BOSNE I HERCEGOVINE;**
  - **РУКОМЕТНИ САВЕЗ БОСНЕ И ХЕРЦЕГОВИНЕ;**
  - **RUKOMETNI SAVEZ BOSNE I HERCEGOVINE.**
- 2) Skraćeni naziv RS BiH glasi:
  - **RS BiH;**
  - **PC БиХ;**
  - **RS BiH.**
- 3) Puni naziv RS BiH na engleskom jeziku je:  
**Handball Federation of Bosnia and Herzegovina**
- 4) Sjedište RS BiH je u Sarajevu ,Ulica Ćemaluša broj 6.
- 5) RS BiH ima svoj znak, zastavu, pečat i štambilj.
- 6) Oblik i sadržaj zastave utvrđuje Upravni odbor RS BiH.

### **Pečat, štambilj i znak RS BiH**

#### **Član 4.**

- 1) Pečat RS BiH je okruglog oblika prečnika 40 mm, te sadrži ime saveza, pisano latiničnim i ćiriličnim pismom na službenim jezicima koji se koriste u BiH i na engleskom jeziku, sjedište Sarajevo, u koncentričnim krugovima, a u sredini je znak RS BiH.
- 2) Štambilj RS BiH je pravougaonog oblika dimenzija 50x25 mm i sadrži naziv RS BiH, prostor za broj protokola i datum prijema pismena.
- 3) RS BiH ima svoj znak koji je okruglog oblika ukupnog prečnika 8 cm.

U centralnom dijelu grba se nalazi krug prečnika 6 cm koji je plave boje i na kojem se nalazi žuti trougao u kojem se nalazi silueta rukometaša koja je plave boje. Uz dužu liniju trougla su poredane četiri petokrake zvijezde koje su bijele boje.

U lijevom uglu pored posljednje zvijezde u nizu nalazi se žutom bojom ispisan brojevi 1948, Oko centralnog kruga se nalazi prsten bijele boje širine 1 cm, koji je oivičen plavom linijom.

Na bijeloj podlozi je plavim slovima ispisan naziv „RUKOMETNI SAVEZ BOSNE I HERCEGOVINE“

Znak je sastavni dio ovog Statuta.

## Pravni subjektivitet, jezici i obaveze

### Član 5.

- 1) RS BiH ima svojstvo pravnog lica, sa pravima i obavezama utvrđenim važećim Zakonom i ovim Statutom koji stiče upisom u Registar saveza koji se vodi u Ministarstvu pravde BiH.
- 2) RS BiH se upisuje u registar Ministarstva pravde Bosne i Hercegovine u skladu sa Zakonom o udruženjima i fondacijama Bosne i Hercegovine.
- 3) Službeni jezici RS BiH su oni jezici koji su definisani Ustavom BiH, uz ravnopravnu upotrebu latiničnog i ćirilichnog pisma.
- 4) RS BiH je član IHF-e i EHF-e. U skladu s tim on preuzima obavezu:
  - a) da poštuje principe lojalnosti, integriteta i sportskog duha u skladu sa duhom i pravilima fer-pleja;
  - b) da se pridržava važećih Pravila igre, kako ih je usvojio IHF/EHF I Pravila igre za rukomet na pijesku, koja je objavio IHF/EHF-a;
  - c) da se pridržava Statuta, propisa i direktiva IHF-e I EHF-e, kao i odluka donesenih u okviru tih organizacija, te osiguravanje date odluke poštuju i svi njegovi članovi;
  - d) da učestvuje u takmičenjima koja organizuju IHF i EHF u skladu sa odgovarajućim takmičarskim propisima, te posebno plaćanja traženih kotizacija;
  - f) da će sve sporove državnog karaktera koji proizađu iz primjene njegovog Statuta ili propisa, ili u vezi sistema, podnositi isključivo pred nezavisni I nepristrani, arbitražni organ osnovan u skladu sa zakonima Bosne i Hercegovine, koji će donijeti konačno rješenje spora;
  - g) da svoje aktivnosti vodi nezavisno i osigura da te aktivnosti ne budu pod uticajem trećih lica, te da usvoji procedure koja garantira potpunu nezavisnost izbora ili imenovanja članova statutarnih tijela RS BiH;
  - h) da osigurava da će njegovi članovi, klubovi, igrači, službena lica, zastupnici utakmica zastupnici igrača – putem svojih statuta, licenci, registracija ili nekog drugog pisanog dokumenta, pristati:
  - i). da se pridržavaju principa lojalnosti, integriteta I sportskog duha u skladu sa duhom fer pleya;

- j) da poštuju odredbe ovog Statuta, u pogledu neutralnosti i nediskriminacije;
- l) da se pridržavaju važećih Pravila igre, kako ih je objavio IHF, kao i Pravila igre rukometa na pijesku, koja je objavio IHF-e;
- m) da se obaveže Statutom, propisima i direktivama RS BiH, IHF-e i EHF-e, kao i odlukama donesenim u skladu sa njima, da će se pridržavati istih;
- n) da će RS BiH saradivati sa Olimpijskim komitetom Bosne i Hercegovine, kao i sa ostalim sportskim organizacijama.

### **Neutralnost i nediskriminacija**

#### **Član 6.**

- 1) RS BiH je neutralan u političkim i vjerskim pitanjima.
- 2) Diskriminacija bilo koje vrste, protiv neke zemlje, privatnog lica ili grupe ljudi, na osnovu etničkog porijekla, spola, jezika, politike ili bilo kog drugog razloga, strogo je zabranjena i može se sankcionisati suspenzijom, isključenjem ili drugim disciplinskim mjerama.

### **Pravila igre**

#### **Član 7.**

- 1) RS BiH i svaki njegov član igraju organizovani rukomet u skladu sa Pravilima igre koje je izdao IHF / EHF ili sa Pravilima igre za rukomet na pijesku, koje je izdao IHF/EHF.
- 2) Samo IHF / EHF mogu propisati ili izmijeniti Pravila igre.

### **Igrači, treneri, sudije, medicinsko osoblje, službena lica i drugi učesnici u organizovanom rukometu**

#### **Član 8.**

- 1) Status igrača i odredbe o njihovom transferu uređuje Upravni odbor u skladu sa važećim IHF-a i EHF-a propisima o statusu i transferu igrača.
- 2) Upravni odbor posebnim Pravilni-kom/cima uređuje registraciju igrača, sudija, trenera, medicinskog osoblja, službenih lica, kao i drugih pojedinca koji učestvuju u organizovanom rukometu.
- 3) Uslovi registracije lica iz stava 2. ovog člana mogu podrazumijevati ispunjavanje određenog školovanja, obuke i/ili medicinskih testova.

## **2. CILJEVI I DJELATNOSTI RS BIH**

### **Ciljevi i djelatnosti RS BIH**

## **Član 9.**

- 1) Ciljevi i djelatnosti RS BIH su sljedeći:
  - a) organizovanje i sprovođenje sistema takmičenja,
  - b) zastupanje i predstavljanje sporta u međunarodnim sportskim organizacijama,
  - c) pripremanje i nastupanje državnih reprezentacija na zvaničnim međunarodnim takmičenjima,
  - d) utvrđivanje programa razvoja u skladu sa Strategijom,
  - e) saradnju sa nadležnim sportskim i drugim organima Bosne i Hercegovine

### **3. ČLANSTVO**

#### **Članovi RS BIH**

## **Član 10.**

- 1) Članovi RS BIH su:
  - a) Rukometni savez Federacije Bosne i Hercegovine (u daljem tekstu: RS F BiH) koji se sastoji od Kantonalnih rukometnih saveza i Rukometnog saveza Herceg Bosne
  - b) Rukometni savez Republike Srpske (u daljem tekstu: RS RS) u skladu sa članom 22. stav 3. Zakona o sportu u Bosni i Hercegovini.
- 2) RS BIH je dužan da vodi spisak svojih članova. Popis članova RS BIH se vodi elektronski i sadrži:
  - a) naziv člana, sa adresom sjedišta;
  - b) datum pristupanja i broj pristupnice člana;
  - c) vrstu članstva u RS BIH u skladu sa statutom;
  - d) datum prestanka članstva u RS BIH.
- 3) Popis članova RS BIH mora biti dostupan na uvid nadležnim organima na njihov zahtjev.
- 4) Svaki član RS BIH može da pokrene postupak pred nadležnim sudom za utvrđivanje ništavosti opšteg akta RS BIH koji je donesen suprotno odredbama statuta ili drugog opšteg akta RS BIH, a najkasnije u roku od šest mjeseci od dana donošenja tog akta.

#### **Prava članova**

## **Član 11.**

- 1) Članovi imaju sljedeća prava:

- a) da učestvuju u skupštini RS BiH da unaprijed dobiju njen dnevni red, da budu pozvani na Skupštinu u propisanom vremenu, te da ostvaruju svoje pravo glasa;
  - b) da daju prijedloge za uključenje u dnevni red skupštine;
  - c) da nominuju kandidate za izbor u sva tijela RS BiH;
  - d) da podnose zahtjev za sazivanje Vanredne skupštine;
  - e) da budu obaviješteni o poslovima RS BiH, kroz njena zvanična tijela;
  - f) da učestvuju u takmičenjima (ako je to primjenjivo) i/ili drugim sportskim aktivnostima koje organizuje RS BiH;
  - g) da ostvaruju sva druga prava koja proizilaze iz Statuta i propisa RS BiH.
- 2) Ostvarivanje ovih prava podliježe i drugim odredbama Statuta i važećih propisa.

### **Dužnosti članova**

#### **Član 12.**

- 1) Članovi imaju slijedeće dužnosti:
- a) da u potpunosti i uvijek poštuju Statut, propise, directive i odluke tijela RS BiH;
  - b) da učestvuju u takmičenjima koja organizuje RS BiH (ako je to primjenjivo);
  - c) da plaćaju članarinu i druge naknade, kako to definiše RS BiH;
  - d) da usvoje statutarnu odredbu koja precizira da član, kao i njegovi pridruženi članovi, klubovi, službena lica, igrači, treneri i dr. moraju:
    - i. pridržavati se Statuta, propisa, direktiva IHF-e, EHF-e i RS BiH, kao i odluka drugih tijela;
    - ii. poštovati principe lojalnosti, integriteta, sportskog duha i fer-pleja;
    - iii. poštovati Pravila rukometne igre koja je izdao IHF, ili Pravila rukomet na pijesku;
    - iv. izbjegavati bilo kakav oblik diskriminacije, kako je to definisano članom 6. ovog Statuta;
    - v. osigurati da njihovo izvršno tijelo bude slobodno izabrano, te da njihova druga statutarna tijela budu birana ili imenovana na potpuno nezavisan način, bez uticaja trećih lica;
    - vi. osigurati da izabrani delegati za skupštinu RS BiH imaju dužnost da prisustvuju redovnoj ili vanrednoj skupštini;
    - vii. osigurati da imenovani ili izabrani članovi nekog statutarnog tijela RS BiH imaju dužnost
    - viii. da prisustvuju sastancima na koje su pozvani;
  - e) da svoje poslove vode nezavisno i da osiguraju da njihovi poslovi nisu pod uticajem trećih lica;
  - f) da osiguraju da je mandat njihovih predsjednika maksimalno četiri godine;
  - h) da poštuju i unapređuju jedinstvo RS BiH;
  - i) da se u potpunosti pridržavaju svih drugih dužnosti koje proizilaze iz ovog Statuta i drugih propisa.
- 2) U skladu sa propisima RS BiH imaju obavezu da registruju klubove igrače, trenere i službena lica za takmičenja na entitetskom nivou i obavezni su da dostave u roku od 3 dana od dana izvršene registracije RS BiH kopiju registracije.
- 3) RS BiH pružaju sve potrebne informacije na njegov zahtjev
- 4) Ako bilo koji član prekrši gore navedene dužnosti, to može dovesti do sankcija predviđenih ovim Statutom. Nadležna pravna tijela RS BiH mogu izreći daljnje sankcije.

#### **4. POČASNI PREDSEDNIK I POČASNI ČLANOVI**

##### **Počasni predsjednik i počasni članovi**

##### **Član 13.**

- 1) Na prijedlog Upravnog odbora RS BiH, Skupština RS BiH može dodijeliti status počasnog predsjednika ili počasnog člana RS BiH. Taj status dodjeljuje se za posebne zasluge u rukometu.
- 2) Počasni predsjednici i počasni članovi RS BiH mogu prisustvovati skupštini RS BiH u savjetodavnom svojstvu, ali nemaju pravo glasa.

#### **5., ORGANIZACIJA RS BIH**

##### **Tijela RS BiH**

##### **Član 14.**

- 1) RS BIH ima sljedeća tijela :
  - a) Skupština RS BIH;
  - b) Upravni odbor RS BIH;
  - c) Nadzorni odbor RS BIH
  - d) Generalni sekretar RS BIH

##### **Pravna tijela**

##### **Član 15.**

- 1) Pravna tijela RS BIH su Arbitražna i Disciplinska komisija ;

##### **Konsultativna i izvršna tijela**

##### **Član 16.**

- 1) RS BIH ima sljedeća konsultativna i izvršna tijela:
  - a) Stalne komisije;
  - b) Ad-hoc komisije;



## Način formiranja članova tijela

### Član 17.

- 1) Pri izvršavanju svojih funkcija, svi članovi tijela za odlučivanje ili konsultativnih tijela RS BiH moraju se pridržavati odredaba ovog Statuta, propisa, direktiva i odluka koje donesu tijela RS BiH.
- 2) Član bilo kojeg statutarnog tijela RS BiH definisanog ovim statutom ne može istovremeno biti i član bilo kojeg drugog tijela RS BiH ili delegat skupštine.
- 3) Član takvih statutarnih tijela RS BiH ne može učestvovati u donošenju odluka po bilo kojem pitanju u kojem postoji ili može nastati sukob interesa.
- 4) Raspored članova u statutarnim tijelima RS BiH moraju činiti dvije trećine (2/3) članova nekog tijela koji predstavljaju RSF BiH i to jedna trećina (1/3) članova kantonalnih rukometnih saveza i jedna trećina (1/3) članova RS H-B, a jedna trećina (1/3) članova predstavlja RS RS.
- 5) Svaki član nekog tijela RS BiH ima jedan glas.
- 6) Glasanje putem opunomoćenika na sjednicama Skupštine i Upravnog odbora je dopušteno uz prethodno pribavljenu saglasnost člana Saveza.

## Uslovi za status člana tijela

### Član 18.

- 1) Da bi postao kandidat za neko statutarno tijelo u RS BiH, to lice mora ispunjavati sve sljedeće uslove. On ili ona mora:
  - a) biti aktivan/aktivna član u rukometnoj organizaciji u RS F BiH ili RS RS ili u nekom od njihovih statutarnih članova;
  - b) biti državljanin Bosne i Hercegovine;
  - c) imati prebivalište u Bosni i Hercegovini;
  - d) priložiti biografiju (CV) koja sadrži informacije o obrazovanju, profesionalnim iskustvima i aktivnostima u rukometnoj organizaciji;
  - e) podnijeti dokaz da nema izrečenu disciplinsku sankciju odstrane disciplinskih organa RS BiH RS RS ili RS FBiH, odnosno da se ne vodi u registru disciplinskih kazni izrečenih za povrede propisa za sljedeće disciplinske kazne:
    - zabrana vršenja funkcije u period dužem od 3(tri) mjeseca,
    - smjenjivanje rukovodstva, isključenje iz kluba ili isključenje iz rukometne organizacije.

- g) da nije pravosnažno kazneno osuđivan i da se ne vodi u registru osuđivanih lica zbog krivičnogdjela iz oblasti sporta, bez obzira na vrstu kazne ne sankcije.
- 2) Zahtjevi iz stava 1) ovoga člana primjenjuju se na Generalnog sekretara i druge radnike sekretarijata. Međutim, Upravni odbor može kroz organizacione propise za njih postaviti daljnje zahtjeve
- 3) Ako osoba tokom svog mandata u RS BiH prestane ispunjavati jedan od uslova navedenih u stavu 1.ovog člana, onda ta osoba odmah gubi status člana datog tijela RS BiH.

## **6. SKUPŠTINA RS BiH**

### **Najviše tijelo RS BiH**

#### **Član 19.**

- 1) Skupština RS BiH je najviše tijelo RS BiH.
- 2) Skupština RS BiH može zasjedati kao redovna ili vanredna skupština, što je detaljno uređeno Poslovníkom o radu Skupštine RS BiH.
- 3) Sljedeće osobe se pozivaju da prisustvuju skupštini:
- a) delegati članova RS BiH;
  - b) članovi Upravnog odbora RS BiH;
  - c) počasni predsjednici I počasni članovi RS BiH;
  - d) predsjednici i potpredsjednici RS F BiH i RS RS;
  - e) sekretari RS F BiH i RS RS i
  - f) drugi pozvani gosti Upravnog odbora RS BiH.
- 4) Samo delegati članova RS BiH imaju pravo glasa na skupštini RS BiH. Sve druge osobe koje prisustvuju skupštini nemaju pravo glasa.

### **Sastav Skupštine RS BiH**

#### **Član 20.**

- 1) Skupština RS BiH sastoji se od četrdeset pet (45) delegata a koje čine:
- Trideset (30) delegata koji predstavljaju RS F BiH i to petnaest (15) delegata koje delegiraju kantonalni rukometni savezi i 15 delegata koje delegira RS H-B i
  - petnaest (15) delegata koji delegira RS RS.

## **Delegati skupštine**

### **Član 21.**

- 1) R S F BiH bira trideset (30) delegata i to petnaest (15) delegata kantonalni rukometni savezi i petnaest (15) delegata RS HB na mandat u trajanju od četiri (4) godine u skladu sa Poslovnikom o radu Skupštine RS BiH.
- 2) RSRS bira 15 delegata na mandate u trajanju od 4 godine u skladu sa Poslovnikom o radu Skupštine RS BiH.
- 3) Delegat koji nije u mogućnosti da prisustvuje Skupštini iz bilo kog razloga, mora se odmah javiti Generalnom sekretaru RS BiH, da bi članica saveza čiji je delegat imenovala zamjenu.
- 4) Nakon obaveznih konsultacija sa sekretarom člana saveza (RS FBiH ili RSRS), i imenovanja član RS BiH imenuje zamjenskog delegata, nakon što od datog sekretara dobije ime zamjenskog delegata generalni sekretar poziva zamjenskog delegata da prisustvuje Skupštini RS BiH umjesto onog delegate koji to nije u mogućnosti.

## **Kvorum Skupštine RS BiH**

### **Član 22.**

- 1) Skupština (redovna i vanredna) može pravovaljano donositi odluke ako je prisutno minimum 36 delegata i to iz:  
RS F BiH 24 delegata, i to 12 delegata iz Kantonalnih rukometnih saveza i 12 delegata RS H-B i 12 delegata RS RS

## **Nadležnost Skupštine**

### **Član 23.**

- 1) Skupština RS BiH se održava u skladu sa Poslovnikom o radu Skupštine RS BiH i nadležna je da:
  - a) imenuje radno predsjedništvo
  - b) usvaja dnevni red;
  - c) imenuje verifikacionu komisiju;
  - d) imenuje zapisničara i ovjerivače zapisnika;
  - e) razmatra i usvaja izvještaj Verifikacione komisije
  - f) usvaja zapisnike sa prethodne skupštine (ako je to primjenjivo);
  - g) usvaja Statut i vrši izmjene i dopune Statuta RS BiH;
  - h) usvaja godišnje izvještaje Upravnog odbora i pravnih tijela;
  - i) bira i razriješava 12 članova Upravnog odbora na osnovu liste kandidata koju odobre i dostave članovi RS FBiH I RSRS;

- j) bira članove Nadzornog odbora na osnovu liste kandidata koju odobre i dostave članovi RS FBiH I RSRS;
  - j) prima na znanje izvještaj nezavisnog revizora;
  - k) razmatra izvještaj o radu i Izvještaj o izvršenju (ostvarenju) plana prihoda i rashoda RS BiH;
  - l) razmatra izvještaj Nadzornog odbora
  - m) usvaja Plan prihoda i rashoda RS BiH za narednu finansijsku godinu;
  - n) dodjeljuje titule počasnog predsjednika ili počasnog člana;
  - o) vrši prijem, suspenziju i isključenje članova RS BiH u II stepenu;
  - p) odlučuje o spajanju podjeli I prestanku rada, osnivanju drugih pravnih lica kao I o drugim statusnim promjenama Savez;
  - r) donosi odluke u vezi tačaka dnevnog reda po osnovu zahtjeva članova
  - s) da opozove mandat jednog ili nekoliko članova Skupštine ili Upravnog odbora Savez.
- 2) Sve potrebne materijale po pitanjima koja su u nadležnosti Skupštine RS BiH priprema Upravni odbor RS BiH, uz stručnu i tehničku podršku nadležnih tijela I Generalnog sekretarijata.

### **Redovna sjednica Skupština**

#### Član 24.

- 1) Redovna Skupština RS BiH održava se najmanje jednom godišnje.
- 2) Predsjednik Skupštine u dogovoru sa podpredsjednicima Skupštine određuje mjesto ,datum i vrijeme i priprema nacrt dnevnog reda.
- 3) Skupština obično održava u prvoj polovini kalendarske godine.
- 4) Generalni sekretar obavještava članove I delegate, kao I sekretarijat RS FBiH I RSRS, najmanje deset(10) dana unaprijed, te im dostavlja nacrt dnevnog reda.
- 5) Članovi RS BiH mogu Generalnom sekretaru dostaviti prijedlog za tačku dnevnog reda najkasnije dvadeset (20) dana prije održavanja Skupštine. Taj prijedlog treba da uključuje pismeni zahtjev sa kratkim pojašnjenjem i eventualne potrebne prateće materijale.
- 6) Upravni odbor razmatra te prijedloge i, po potrebi, u skladu s njima unosi izmjenu u dnevni red.
- 7) Na temelju prijedloga Upravnog odbora RS BiH Predsjednik Skupštine zakazuje sjednicu Skupštinu nakon obavljenih konsultacija sa podpredsjednicima Skupštine i sa konačnim dnevnim redom, izvještajem Upravnog odbora o aktivnostima, finansijskim izvještajima i izvještajem Nadzornog odbora, te svim drugim relevantnim dokumentima i listom kandidata koji će se birati, dostavlja pozvanim osobama, najmanje deset(10) dana prije skupštine.
- 8) Dnevni red redovne skupštine može se mijenjati, pod uslovom da se tri četvrtine delegata

prisutnih na Skupštini i sa pravom glasa saglase sa takvim prijedlogom.

- 9) Prije početka sjednice Skupštine Komisija za verifikaciju, izvještava Skupštinu da li delegati redovne skupštine kao i kandidati za neki organ ili tijelo RS BIH ispunjavaju sve uslove iz ovog Statuta i Poslovnika o radu Skupštine, te da li su ispunjeni uslovi za održavanje Skupštine.

### **Vanredna sjednica Skupština**

#### **Član 25.**

- 1) Vanrednu skupštinu može u slučaju potrebe ili vanredne situacije u bilo koje vrijeme sazvati Predsjednik Skupštine na obrazloženi zahtjev Upravnog odbora ili na prijedlog 15 delegata Skupštine RS BIH, uz tehničku podršku Generalnog sekretara.
- 2) Predsjednik Skupštine pismeni poziv šalje najmanje deset (10) dana prije vanredne skupštine. Poziv sadrži dnevni red kao i druge prateće dokumente. Kad se vanredna skupština sazove na zahtjev nekog člana, dnevni red mora sadržavati tačku koju je predočio taj član.
- 3) Dnevni red vanredne skupštine ne može se mijenjati tokom same sjednice Skupštine.

### **Izbor Predsjednika i potpredsjednika Skupštine**

#### **Član 26.**

- 1) Skupština ima predsjednika i dva potpredsjednika koji se biraju iz redova delegata Skupštine na prijedlog članova saveza.
- 2) Predsjednik i potpredsjednici biraju se iz reda članova saveza i to na slijedeći način:
  - dva prijedloga daje RS F BiH i to jednog člana iz reda članova skupštine koji daju kantonalni rukometni savezi i jednog člana RS H-B i
  - jedan prijedlog daje RS RS
- 3) Mandat predsjednika i potpredsjednika Skupštine je 4 (četiri) godine, sa mogućnošću reizbora, s tim da predsjednik i potpredsjednici mijenjaju svoje pozicije nakon isteka 8 meseci mandata.

### **Ovlasti predsjednika i potpredsjednika Skupština**

#### **Član 27.**

- 1) Predsjednik Skupštine:
  - predsjedava Skupštinom,
  - saziva sjednice Skupštine,
  - stara se o provođenju odredaba Poslovnika Skupštine,
  - uz konsultaciju sa potpredsjednicima Skupštine, predsjednikom i potpredsjednicima Upravnog odbora

- predlaže imenovanje članova Upravnog odbora na osnovu prijedloga datih od članova Saveza,
  - potpisuje akta koja donosi Skupština i
  - vrši i druge poslove za koje ga ovlasti Skupština.
- 2) Skupština imenuje dva podpredsjednika Skupštine koji pomažu predsjedniku Skupštine u vršenju njegovih poslova i zamjenjuje ga u odsutnosti ili druge spriječenosti.

### **Izbor Upravnog odbora**

#### **Član 28.**

- 1) Izbori se vrše tajnim ili javnim glasanjem zavisno od odluke koja se donosi na Skupštini.
- 2) Skupština bira članove Upravnog odbora na osnovu liste kandidata koju odobri nadležna tijela RS F BiH i RS RS na slijedeći način:
- osam članova UO iz RS F BiH, odnosno četiri člana iz kantonalnih rukometnih Saveza i četiri člana iz RS H-B i
  - četiri člana UO iz RS RS

### **Donošenje odluka**

#### **Član 29.**

- 1) Skupština RS BIH (redovna ili vanredna) donosi odluke (tročetvrtinskom)  $\frac{3}{4}$  većinom od ukupnog broja delegata članova saveza Skupštine, odnosno da bi se odluka donijela potrebno je da za istu glasaju 23 delegata RS F BIH I 12 delegata RS RS .

### **Izmjene i dopune Statuta**

#### **Član 30.**

- 1) Skupština je zadužena za izmjene i dopune Statuta.
- 2) Svi prijedlozi za izmjene Statuta Upravni odbor ili član Skupštine ili Upravnog odbora ili članica Saveza moraju dostaviti Generalnom sekretarijatu u pismenom obliku, sa kratkim objašnjenjem.

### **Odluke i stupanje na snagu**

#### **Član 31.**

- 1) Odluke koje donese Skupština stupaju na snagu odmah, osim ako Skupština ne odluči drugačije.

### **Zapisnik**

#### **Član 32.**

- 1) Na prijedlog generalnog sekretara Skupština imenuje osobu koja će voditi zapisnik na sjednici skupštine.
- 2) Zapisnik se verificira u roku od četiri sedmice od održavanja sjednice, a verificiraju ga tri(3) delegate imenovana za taj zadatak.
- 3) Taj verificovani zapisnik se smatra usvojenim ako u roku od trideset (30) dana od njegovog slanja svim članovima RS BiH Generalnom sekretaru ne stigne preporučenom poštom nijedna primjedba na njega.
- 4) U slučaju da budu dostavljene primjedbe, zapisnik se stavlja za konačno usvajanje na dnevni red naredne sjednice skupštine.

## **7. UPRAVNI ODBOR**

### **Struktura i sastav**

#### **Član 33.**

- 1) Upravni odbor je izvršno tijelo RS BiH.
- 2) Upravni odbor sastoji se od dvanaest (12) članova i to:
  - osam (8) članova iz RS FBiH, odnosno četiri (4) člana kantonalnih rukometnih saveza i četiri (4) RS H-B,
  - četiri (4) člana iz RSRSod čega je jedan predsjednik Upravnog odbora a dva podpredsjednici Upravnog odbora i devet članova upravnog odbora RS BiH.

### **Kandidature, mandat, zamjena**

#### **Član 34.**

- 1) Upravni odbor se bira putem slobodnih izbora na prijedlog članova Saveza.
- 2) Najmanje 20 dana prije izborne skupštine, RS FBiH I RSRS Generalnom sekretaru dostavljaju listu kandidata (uključujući njihove radne biografije) za Upravni odbor.
- 3) Svaki član Upravnog odbora podliježe reizboru.

### **Nadležnost Upravnog odbora**

#### **Član 35.**

- 1) Upravni odbor ima sljedeće nadležnosti:
  - priprema redovne i vanredne sastanke skupštine;
  - priprema nacrt statuta I drugih akata koji donosi Skupština;

- provodi politiku zaključke I druge odluke koje je donijela Skupština;
- podnosi godišnji ili periodični izvještaj o svom radu skupštini na usvajanje ;
- definiše strategiju RS BiH I njegovih članova u svim aspektima rukometa i osigurava njenu implementaciju u skladu sa Statutom i propisima RS BiH ;
- donosi odgovarajuće odluke vezano za obaveze RS BiH na međunarodnom nivou ;
- usvaja Organizacione propise Generalnog sekretarijata;
- utvrđuje prijedloge za razvoj rukometa I programe unapređenja na nivou RS BiH i daje uputstva svojim članovima u tom smislu ;
- utvrđuje prijedlog Plana prihoda i rashoda i prijedlog Izvještaja o izvršenju(ostvarenju) plana prihoda i rashoda;
- donosi kalendar takmičenja na nivou RS BiH, koji je usklađen s međunarodnim kalendarom utakmica koji utvrđuje IHF/EHFna prijedlog Generalnog sekretara;
- usvaja i donosi izmjene propisa na nivou RS BiH;
- utvrđuje sistem takmicenja na državnom nivou;
- usvaja i mijenja takmičarska pravila za takmičenja koja se igraju pod pokroviteljstvom RS BiH, uključujući registraciju igrača i službenih lica;
- razmatra I usvaja programe I planove za sve vrste takmičenja na nivou RS BiH, na međunarodnom nivou, te donosi odluku da bude domaćin finalnim turnirima IHF -inih I EHF-inih takmičenja;
- usvaja liste sudije, kontrolora i delegate na prijedlog članova Saveza;
- utvrđuje rang liste sudija, kontrolora i delegate na kraju svake takmičarske sezone;
- imenuje i razrješava stručna lica reprezentacija RS BiH na prijedlog Stručne komisije;
- uspostavlja ad-hoc (privremene)komisije, ako su potrebni,u bilo koje vrijeme;
- imenuje i razrješava predsjedavajuće, potpredsjedavajuće i redovne članove stalnih I ad-hoc komisija;
- bira i razrješava Predsjedavajućeg, redovne I zamjenske članove pravnih tijela na osnovu liste kandidata na prijedlog članova RS BiH;
- razmatra i usvaja izvještaje stalnih i ad-hoc komisija I Generalnog Sekretarijata I pravnih tijela Skupštini predlaže kandidate za zvanje počasnog predsjednika I počasnog člana
- utvrđuje uslove za izbor Generalnog sekretara i definiše njegov opis poslova I radnih zadataka;
- imenuje i razrješava Generalnog sekretara na prijedlog predsjednika I podpredsjednika Upravnog odbora ;
- na osnovu provedene tenderske procedure bira nezavisnog revizora za reviziju finansijskih izvještaja RS BiH;
- nadzire zakonitost rada Generalnog sekretarijata u skladu sa utvrđenim zakonskim okvirom i odlukama RS BiH;
- imenuje i razrješava članove tijela RS BiH koja nisu u nadležnosti skupštine;
- privremeno suspenduje člana RS BiH, do sljedeće sjednice skupštine
- odobrava sve ugovore sa agencijama, TV kućama, sponzorima, kladioničarskim firmama, kao i sve ugovore o kreditu
- određuje naredbodavce za izvršenje finansijskog plana I utvrđuje mu ovlasti za finansijsko poslovanje,



- 2) Upravni odbor odlučuje o i svim ostalim pitanjima koja nisu u nadležnosti nekog drugog statutarnog tijela RS BIH.

### **Sjednice I dnevni red**

#### **Član 36.**

- 1) U pravilu, Upravni odbor RS BIH sastaje se po potrebi a najmanje jednom u dva mjeseca.
- 2) Sjednicu saziva i njom predsjedava Predsjednik Upravnog odbora RS BIH
- 3) Generalni sekretar pozive za sastanak po nalogu Predsjednika Upravnog odbora šalje svim članovima, sa datumom, mjestom vremenom sastanka, najmanje sedam (7) dana prije sastanka.
- 4) Na pismeni zahtjev najmanje četiri (4) članova, Predsjednik Upravnog odbora RS BIH je dužan sazvati sjednicu Upravnog odbora RS BIH, koja se mora održati u roku od narednih deset (10) radnih dana.
- 5) Članovi Upravnog odbora RS BIH mogu dostaviti Generalnom sekretaru teme za dnevni red, uključujući i kratko obrazloženje, najmanje deset (10) radnih dana prije održavanja sjednice.
- 6) Generalni sekretar, konačni prijedlog dnevnog reda sa radnim materijala koji je odobrio Predsjednik Upravnog odbora uz prethodno pribavljenu saglasnost članova predsjednika i podpredsjednika Upravnog odbora, dostavlja članovima Upravnog odbora RS BIH najmanje sedam(7) dana prije sjednice.
- 7) Upravni odbor može pozvati treća lica da prisustvuju sjednici Upravnog odbora. Ta treća lica nemaju pravo glasa, ali im je dozvoljeno da izraze svoje mišljenje uz dozvolu Upravnog odbora.
- 8) Generalni sekretar prisustvuje sjednicama Upravnog odbora u informativno-konsultativnom svojstvu i na istima je dužan da obezbijedi vođenje zapisnika i odgovoran je za sačinjavanje istog i odluka koje donosi Upravni odbor.

### **Kvorum prisustva**

#### **Član 37.**

- 1) Upravni odbor može donositi valjane odluke ako je prisutno najmanje 10 članova.
- 2) Ako se ne postigne ovaj kvorum, Upravni odbor se automatski mora sastati u roku od 7 da na istom mjestu i u isto vrijeme, da bi razmatrao isti dnevni red.
- 3) Ako član Upravnog odbora RSBIH neopravdano ne prisustvuje na najmanje tri propisno sazvana sastanka tokom iste kalendarske godine, Skupština mora razriješiti takvog člana i zamijeniti ga na prijedlog člana saveza odgovarajućim zamjenskim članom.

## **Kvorum za donošenje odluka i stupanje na snagu**

### **Član 38.**

- 1) Upravni odbor donosi pravovaljane odluke ako je za njih glasalo 9 članova Upravnog odbora odnosno 6 članova RS F BiH I to 3 člana iz kantonalnih rukometnih saveza , 3 člana RS H-B I 3 člana RS RS

### **Prestanak mandata člana Upravnog odbora**

### **Član 39.**

- 1) Članu Upravnog odbora mandat može prestati i prije vremena na koji je izabran:
  - opozivom od strane Članice RS BiH koja ga je predložila,
  - ostavkom,
  - nastankom okolnosti zbog kojih nije u mogućnosti obavljati svoje dužnosti.

**B)**

### **Predsjednik i podpredsjednici Upravnog odbora**

### **Član 40.**

- 1) Predsjednik i podpredsjednici Upravnog odbora RS BIH su tijelo koje rukovodi radom RS BiH sukladno Zakonu, Statutu i drugim općim aktima RS BiH.
- 2) Predsjednik i podpredsjednici Upravnog odbora RS BIH za svoj rad odgovaraju Skupštini i Upravnom odboru.

### **Član 41.**

- 1) Predsjedniku i podpredsjednicima Upravnog odbora RS BIH mandat može prestati i prije vremena na koji su izabrani:
  - opozivom od strane Članice RS BiH koja ga je predložila,
  - ostavkom,
  - nastankom okolnosti zbog kojih nije u mogućnosti obavljati svoje dužnosti.

### **Član 42.**

- 1) Predsjednik i podpredsjednici Upravnog odbora :

1. rukovode radom RS BiH,
  2. rukovode proračunom RS BiH i u okviru financijskog plana odlučuje o rasporedu i upotrebi financijskih sredstava, sukladno prilivu sredstava, zajedno s Upravnim odborom;
  3. Predsjednik i podpredsjednici Upravnog odbora zajedno sa Generalnim sekretarom, su ovlaštena lica za zastupanje i predstavljanje
  4. odlučuje i o drugim pitanjima predviđenim ovim Statutom i aktima RS BiH i obavljaju i druge poslove sukladno svojim ovlastima.
  5. predlažu imenovanje i razrješenje Generalnog sekretara RS BiH
  6. provode odluke koje donese Skupština I Upravni odbor preko Generalnog sekretarijata;
  9. osiguravaju djelotvorno funkcioniranje tijela RS BiH, da bi se ostvarili ciljevi opisani u ovom Statutu I programima koje odobri Skupština ili drugo nadležno tijelo;
  10. nadziru rad Sekretarijata i Generalnog sekretara;
  11. održavaju odnose između RS BiH i njegovih članova, IHF-e, EHF-e i svih drugih saveza članova, kao i političkih vlasti i svih drugih organizacija.
- 2) Mandat predsjednika i dopredsjednika Skupštine je 4 (četiri) godine, sa mogućnošću reizbora, s tim da predsjednik i dopredsjednici mijenjaju svoje pozicije nakon isteka 8 mjeseci mandata.

### **Predsjednik UO RS BIH**

#### **Član 43.**

- 1) Uz stručnu i tehničku podršku Generalnog sekretara, predsjednik Upravnog odbora saziva i priprema sastanke Upravnog odbora, kao i kolegija predsjednika I podpredsjednika Upravnog odbora, kojima i predsjedava.
- 2) Predsjednik koordinira rad Upravnog odbora i podpredsjednika te prati rad pravnih tijela, kao i stalnih i ad hoc komisija.
- 3) U odsutnosti Predsjednika ili nemogućnosti da izvršava svoje dužnosti zbog bolesti ili nesreće, podpredsjednik koji treba naredni preuzeti ulogu predsjednika preuzima njegova ovlaštenja I dužnosti.
- 4) Ako je odsutan I podpredsjednik iz prethodnog stava treći član predsjedništva preuzima njegova ovlaštenja I dužnosti.

### **Razrješenje pojedinaca i tijela**

#### **Član 44.**

- 1) Skupština može razriješiti pojedinca ili tijelo.
- 2) Zahtjev za razrješenje mora biti opravdan. Šalje se članovima RS BiH, zajedno sa dnevnim redom.

- 3) Dotični pojedinac ili tijelo ima pravo i obavezu da se oglasi u svoju odbranu.
- 4) Ako je dotični pojedinac delegat u skupštini ili član Upravnog odbora, nema pravo glasa i tokom procesa glasanja mora napustiti prostoriju.
- 5) Ako se zahtjev za razrješenje podrži, Skupština ili Upravni odbor donosi odluku tajnim glasanjem.
- 6) Pojedinac ili tijelo koji su razriješeni (privremeno) moraju se odmah osloboditi svojih dužnosti. Takav pojedinac ili tijelo zamjenjuju se u skladu sa Statutom

## 8. KOMISIJE RS BiH

### Stalne i ad hock (privremene ) komisije

#### Član 45.

- 1) Stalne komisije RS BiH su izvršna i savjetodavna tijela Upravnog odbora sa ovlastima utvrdjenim u aktima RS BiH i odlukama Upravnog odbora i to:
  - 1) Komisija za omladinski rukomet;
  - 2) Komisija za ženski rukomet
  - 3) Komisija za rukomet na pijesku;
  - 4) Komisija za muski rukomet
  - 5) Komisija za status igrača i transfer;
  - 6) Komisija za stručna pitanja
  - 7) Takmičarska komisija;
  - 8) Komisija pitanja za pitanja suđenja i kontrolisanja sudjenja;
  - 9) Komisija za zdravstvena pitanja;
- 2) Upravni odbor može stalnim komisijama povjeriti moć odlučivanja, kako je to definisano pravilnicima RS BiH;
- 3) Upravni odbor RS BiH može po potrebi osnivati ad - hoc (privremene) komisije radi rješavanja posebnih pitanjana određen vremenski period. On određuje sastav i definiše odgovarajuća prava i dužnosti.
- 4) Svaka stalna ili ad hoc komisija sastoji se od tri (3) člana, uključujući predsjedavajućeg i dva(2) člana, u skladu sa organizacionim pravilima.
- 5) Upravni odbor osigurava da dvije trećine gore pomenutih stalnih komisija budu pod predsjedavanjem predstavnika članica RS F BiH, a jedna trećina pod predsjedavanjem predstavnika RS RS.

- 6) Članove komisija bira Upravni odbor na mandate od četiri(4)godine,od kandidata koje predloze RS FBiH I RSRS. Svaki entitet prosljeđuje najmanje broj kandidata potrebnih da se upotpuni svako pojedinačno pravno tijelo, u roku za kandidaturu koju odredi Upravni odbor.

### **Sastavi imenovanje komisija**

#### **Član 46.**

- 1) Predsjedavajućeg i dva (2) člana svakog stalne komisije imenuje Upravni odbor na mandate od četiri (4) godine, uz mogućnost ponovnog imenovanja.
- 2) Sastav članova stalnih komisija mora biti u skladu sa članom 22.stav 4.Statuta

### **Sjednice,odluke i druge odredbe**

#### **Član 47.**

- 1) Predsjedavajući predstavlja komisiju.
- 2) Nakon konsultacija sa Generalnim sekretarom, on određuje datume i dnevni red sjednica.
- 3) Predsjedavajući je odgovoran da komisija valjano obavlja svoje poslove i da o tome redovno informiše Upravni odbor, putem promptnog dostavljanja zapisnika sa sjednica
- 4) Profil članova, prava, dužnosti i način rada svakog stalnog i adhoc komisija utvrđuju se organizacionim propisima. Odluka se donosi ako je prisutno više od pola članova, a usvojena je ako je podrži 2/3 (dvo/trećinska) većina ukupnog broja članova.
- 5) Generalni sekretar je obavezan da pruži stručnu i tehničku podršku radu Komisija i obavezan je da u slučaju da komisija ne obavlja svoje poslove u skladu sa utvrdjenim ovlaštenjima o tome u pisanom obliku informise predsjednika, potpredsjednike i članove Upravnog odbora RS BIH kao i članove saveza.

## **9. SEKRETARIJAT RS BIH**

### **Zadaci**

#### **Član 48.**

- 1) Sekretarijat RS BIH obavlja svakodnevne aktivnosti administrativno-pravnog, knjigovodstveno-finansijskog,komercijalno-marketinškog karaktera i opsluživanje takmičenja. Nadalje, on statutarnim tijelima pruža neophodnu administrativnu podršku.
- 2) Sekretarijatom rukovodi Generalni sekretar.

### **Odgovornosti**

#### **Član 49.**

- 1) Sekretarijat je odgovoran za administrativna pitanja, kao što su:
  - a) provođenje odluka statutarnih tijela RS BiH;
  - b) upravljanje i ispravno vođenje računovodstva RS BiH;
  - c) pripremanje sjednica skupštine, sastanaka Upravnog odbora, predsjednika, podpredsjednika Upravnog odbora, stalnih i ad hoc komisija;
  - d) vođenje zapisnika na sjednicama Upravnog odbora, sastanku predsjednika i podpredsjednika Upravnog odbora, stalnih i ad hoc komisije;
  - e) izrada svih odluka koje su donijete na sjednicama Skupštine, sastancima Upravnog odbora i komisija pravnih tijela
  - f) odnosi sa javnošću, putem Predsjednika, članova podpredsjednika i Generalnog sekretara
  - g) pomoć i podrška RS BiH i njegovim članovima;
  - h) korespondencija RS BiH.
  
- 2) Organizacija, kao i prava i obaveze Sekretarijata definisani su organizacionim propisima, a koji se donose na prijedlog predsjednika i podpredsjednika UO RS BiH i Generalnog sekretara koje usvaja Upravni odbor

### **Generalni sekretar**

#### **Član 50.**

- 1) Generalni sekretar je odgovorni administrativni rukovodilac Sekretarijata imenuje ga Upravni odbor na mandatni period od četiri godine kao zaposlenika RS BiH na osnovu ugovora o radu uređenog radom pravnim propisima.
- 2) Odredbe o nadležnostima, pravima, dužnostima i zahtjevima za imenovanje i ostalim principima oko imenovanja i reizbora Generalnog sekretara, utvrđuje Upravni odbor svojom odlukom, na prijedlog Predsjednika i podpredsjednika Upravnog odbora uz saglasnost članica Saveza.
- 3) Generalni sekretar prisustvuje sjednicama statutarnih tijela RS BiH u savjetodavnom svojstvu. U slučaju spriječenosti, može imenovati svoju zamjenu. On takvim sastancima daje neophodnu administrativnu podršku i time što imenuje kvalifikovane službenike.
- 4) Generalni sekretar Izvršnom odboru redovno podnosi izvještaje o aktivnostima, kao i ažurirane finansijske izvještaje
- 5) Generalni sekretar je dužan između dva sastanka upravnog odbora da podnosi izvještaj o radu savezu između dvije sjednice.
- 6) Generalni sekretar je ovlašten da potpisuje tačnost otpredsjednika odluka Skupštine Upravnog odbora, predsjednika i podpredsjednika Upravnog odbora, komisija i radnih tijela
- 7) Generalni sekretar je pored predsjednika i podpredsjednika Upravnog odbora ovlašteno lice za zastupanje i predstavljanje RS BiH
- 8) Ostvaruje kontakte sa IHF /EHF, članovima IHF/EHF kao i članovima ovog saveza
- 9) Obavlja sve druge poslove u skladu sa odredbama ovog statuta, odlukama predsjednika i podpredsjednika Upravnog odbora kao i pravilnicima RS BiH

## 10.FINANSIJE

### Finansijska godina,budžet i odgovornosti

#### Član 51.

- 1) Finansijska godina počinje 01. 01. a završava se 31.12.
- 2) Za svaku finansijsku godinu Generalni sekretar i radnik zaduzen za ekonomske poslove pripremaju Plan prihoda i rashoda i šalju ga Upravnom odboru na razmatranje i utvrđivanje.
- 3) Utvrđeni prijedlog Plana prihoda i rashoda se podnosi skupštini na usvajanje,zajedno sa prijedlogom i izvještaja o izvršenju(ostvarenju) Plana prihoda i rashoda za prošlu kalendarsku godinu.
- 4) Ostale troškove koji nisu predviđeni u Planu prihoda I rashoda mora odobriti Upravni odbor RS BiH,uz istovremeno utvrđivanje izvora finansiranja iz kojih će biti pokriveni,tako da Plan prihoda i rashoda bude uravnotežen.
- 5) Generalni sekretar je zadužen za računovodstvo I knjigovodstvo RS BIH,koje mora biti u skladu sa pozitivno pravnim propisima.Podršku mu pruža finacijski sector Generalnog sekretarijata.
- 6) Generalni sekretar na svakom sastanku Upravnog odbora podnosi finansijski izvještaj za tekući period na raspravu i usvajanje.
- 7) Generalni sekretar je obavezan dostaviti finansijski izvjestaj za prethodnu godinu Ministarstvu pravde BIH do 30.04. tekuće godine na objavljivanje u skladu sa Zakonom o udruženjima I fondacijama BIH.

### 3. Nadzorni odbor

#### Član 52.

- 1) Kontrolu nad radom Saveza vrši Nadzorni odbor Saveza.
- 2) Nadzorni odbor RS BiH je tijelo Rukometnog saveza sa zadatkom:
  - nadzor nad djelatnošću RS BiH,
  - nadzor o izvršavanja odluka i zaključaka Skupštine RS BiH i Upravnog odbora,
  - provjerava primjenu utvrđenih normi i akata RS BiH i poštivanja ovog Statuta.
  - Vršiti nadzor nad finansijskim poslovanjem.
- 3) Nadzorni odbor čine 3 člana koje bira Skupština Saveza, na period od 4 godine, sa mogućnošću reizbora na slijedeći način dva člana predlaže RS FBIH i to jednog člana kantonalni rukometni savezi a jednog člana RS H-B i jednog člana RS RS.
- 4) Nadzorni odbor Skupštini Saveza podnosi izvještaj iz svog djelokruga najmanje jedanput godišnje.

- 5) Nadzorni odbor donosi poslovnik o svom radu.
- 6) Odredbe ovog Statuta koje se odnose na Upravni odbor shodno se primjenjuju i na Nadzorni odbor ako iste nisu drugačije regulisane.

### **Nezavisni revizor**

#### **Član 53.**

- 1) Upravni odbor ovlašćuje Generalnog sekretara da sa izabranim nezavisnim revizorom zaključi ugovor o reviziji finansijskih izvještaja. Ta revizorska kuća može biti ponovo izabrana.
- 2) Nezavisni revizor će provesti reviziju obračuna koje je odobrio Upravni odbor, i na Skupštini podnosi izvještaj na usvajanje.

## **11.PRIHODI I RASHODI RS BIH**

### **Prihodi I rashodi**

#### **Član 54.**

- 1) Sredstva za finansiranje sportskih aktivnosti ostvaruju se kroz:
  - a) članarinu;
  - b) dobrovoljne priloge i poklone javnih institucija, fizičkih i pravnih lica, kako inostranih tako i domaćih, u gotovini, uslugama ili imovini bilo koje vrste;
  - c) državne subvencije i ugovore sa državom, javnim institucijama, fizičkim i pravnim osobama, kako domaćim tako i inostranim;
  - d) prihod od kamata, dividendi, dobiti od kapitala, zakupnina, honorara i sličnih izvora pasivnog prihoda; i
  - e) prihod stečen kroz ostvarivanje ciljeva i aktivnosti RS BiH kako je određeno statutom i
  - f) iz drugih prihoda
- 2) Sredstva iz prihoda RS BIH mogu se koristiti isključivo za razvoj rukometa, a u skladu sa ciljevima i zadacima RS BIH;
- 3) Iz prihoda RS BIH se financiraju sljedeće aktivnosti:
  - a) razvoj rukometnog sporta;
  - b) organizacija utakmica reprezentativnih selekcija;
  - c) rad statutarnih tijela RS BIH;
  - d) rad sekretarijata;
  - e) aktivnosti RS BIH
  - f) obuka/edukacija kadrova;
  - g) infrastruktura u vlasništvu RS BiH;
  - h) drugi troškovi kako su planirani u Planu prihoda I rashoda I u skladu sa ciljevima koje



ostvaruje Savez.

## **Finansijski principi**

### **Član 55.**

- 1) RS BIH organizuje, vodi knjigovodstvo, finansijske i komercijalne poslove u skladu sa usvojenim Planom prihoda I rashoda I poštujući računovodstvene i finansijske pozitivno pravne propise.

## **12. ZASTUPANJE I PREDSTAVLJANJE**

### **Član 56.**

- 1) Lica ovlaštena za zastupanje i predstavljanje RS BIH su Predsjednik, podpredsjednici Upravnog odbora i Generalni sekretar RS BIH,
- 2) Mandat lica za zastupanje i predstavljanje je četiri (4) godine sa mogućnošću reizbora.

## **13. MEDIJI**

### **Prava na takmičenja I prava na utakmice**

### **Član 57.**

- 1) RS BIH i njegovi članovi su izvorni vlasnici svih prava koja proizilaze iz takmičenja I drugih manifestacija uključujući I međunarodna takmičenja u nadležnosti RS BIH, bez ograničenja u smislu sadržaja, vremena i mjesta. Ta prava između ostalog uključuju svaku vrstu finansijskih prava, prava audio vizuelnog I radijskog snimanja, reprodukcije i emitovanja, multimedijalna prava, internet prava, marketinška I promotivna prava i srodna korporativna prava, kao što su amblemi i prava koja proističu iz Zakona o autorskim pravima I drugim kolektivnim pravima.
- 2) Upravni odbor odlučuje o tome kako I do kojeg nivoa se koriste takva prava I donosi posebne propise u tom cilju.
- 3) Upravni odbor jedini odlučuje o tome dali se ta prava koriste ekskluzivno ili zajednički sa nekom trećom stranom, ili u potpunosti preko treće strane.
- 4) U saradnji sa RS BiH, rukometni klubovi koji su učlanjeni u članove RS BIH, mogu biti nosioci samo onih prava koja je priznala EHF i/ili IHF iz stave 1. ovog člana ,za utakmice koje se igraju u međunarodnim klupskim takmičenjima,kao i za turnire čiji su organizatori klubovi.

## **14. JAVNOST RADA I INFORMISANJE**

#### **Član 58.**

- 1) Rad organa saveza i drugih tijela je javan.

#### **Član 59.**

- 1) Javnost rada organa i tijela Saveza obezbjeđuje se:
  - javnim održavanjem sjednica,
  - informisanjem članova Saveza kao i organa saveza, javnih ustanova i stručnih institucija,
  - redovnim održavanjem konferencija za štampu,
  - objavljivanjem značajnih odluka iz osnovne djelatnosti Saveza u štampi, na televiziji, radiju i dr.
  - javnim oglašavanjem donesenih osnovnih akata Saveza,
  - javnim istupanjem članova u sredstvima javnog informisanja i dr.

#### **Član 60.**

- 1) Organi Saveza su dužni da na pogodan način obavještavaju javnost o zakazanim sjednicama i da omoguće njihovo prisustvo sjednicama.
- 2) Organi Saveza mogu u posebnim slučajevima donijeti odluku o tome da rade na sjednicama bez prisustva javnosti.
- 2) U slučaju utvrđenim prethodnim stavom predstavnik organa Saveza dužan je javnost upoznati o razlozima takve odluke.

#### **Član 61.**

- 1) Tijela Saveza sve svoje odluke objavljuju u Sluzbenom glasniku saveza koji je dostupan javnosti putem web portala Saveza i za objavljivanje istih odgovoran je generalni sekretar

### **15.TAKMIČENJA**

#### **Takmičenja na nivou države**

#### **Član 62.**

- 1) RS BIH je nadležan i odgovoran za formiranje i ukidanje takmičenja na državnom nivou.

#### **Takmičenja RS BIH**

#### **Član 63.**

- 1) RS BIH organizuje najviše stepene takmičenja za seniorski i omladinski rukomet u kategoriji muškaraca i žena, državna kup takmičenja za muškarce i žene, u seniorskoj i omladinskoj konkurenciji, najviše stepene takmičenja u rukometu na pijesku, kao i državna Kup takmičenja, te finalna takmičenja u pionirskoj, kadetskoj i omladinskoj kategoriji i Kup regija, što se definiše odgovarajućim pravilnicima RS BIH.

- 2) U skladu sa ovim Statutom, ostala stalna takmičenja su u nadležnosti entitetskih Saveza.
- 3) Sva takmičenja I utakmice na teritoriji Bosne I Hercegovine moraju biti usklađeni sa međunarodnim kalendarom utakmica koji sastavlja IHF I EHF.

### **Pravila takmičenja**

#### **Član 64.**

- 1) Upravni odbor usvaja Pravila takmičenja za takmičenja na državnom nivou I za druga takmičenja koja su u njenoj nadležnosti.
- 2) Svaki klub koji želi učestvovati u nekom domaćem takmičenju mora se saglasiti da bude vezan za I da poštuje Statut RS BIH, propise i directive RS BIH kao i odluke donosene u skladu s njima.
- 3) Svaki klub koj želi učestvovati u nekom međunarodnom takmičenju mora se saglasiti da bude vezan Statutom i da poštuje Statut, propise i directive IHF-e i/ili EHF-e, kao i odluke donosene u skladu s njima.

## **16. PRAVNA TIJELA RS BIH**

### **Pravna tijela i sastav**

#### **Član 65.**

- 1) Pravna tijela RS BIH su:
  - a) Disciplinska komisija;
  - b) Arbitražna komisija;
- 2) Članove pravnih tijela bira Upravni odbor na mandat od četiri (4) godine, od kandidata koje predlože RS FBiH i RSRS. Svaki entitet prosljeđuje najmanje broj kandidata potrebnih da se upotpuni svako pojedinačno pravno tijelo, u roku za kandidaturu koju odredi Upravni odbor.
- 3) Sastav svakog tijela (uključujući zamjenske članove) mora odražavati zastupljenost definisanu **članom 17. stav 4. Statuta**.
- 4) Pravna tijela, sastoje se od:
  - a) jednog (1) predsjedavajućeg;
  - b) dva (2) redovna člana;
  - c) tri (3) zamjenska člana.
- 5) Prava I dužnosti svih pravnih tijela, kao I zahtjevi za njihovo članstvo, propisani su organi-

zacionim propisima koje usvaja Upravni odbor. On usvaja I Disciplinske propise i Propise o licenciranju klubova, na prijedlog nadležnih pravnih tijela.

- 6) Predsjedavajući Disciplinske komisije i Arbitražne komisije moraju biti diplomirani pravnici
- 7) Članovi pravnih tijela ne mogu u isto vrijeme biti članovi niti jednog drugog tijela RS BiH.

### **Sazivanje sastanaka, kvorum prisustva i odlučivanja**

#### **Član 66.**

- 1) Predsjedavajući svakog pravnog tijela saziva sastanke i imenuje one članove koji se moraju baviti predstojećim predmetima. U obzir uzima princip nezavisnost, a članovi se moraju automatski suzdržati od imenovanja ako postoji ili se može pojaviti sukob interesa.
- 2) Svaki poziv predsjedavajućeg upućuje se dvojici članova. Takav član može se zamijeniti zamjenskim, kad je to potrebno, u skladu sa stavom 1. u gornjem tekstu, ili kad takav član ne može prisustvovati iz drugih razloga (nesreća odmor, itd.).
- 3) Članovi pravnih tijela moraju prisustvovati sastancima i učestvovati u procesu odlučivanja putem obaveznog glasanja.
- 4) Kvorum prisustva za pravna tijela (Disciplinska komisija, Arbitražna komisija) su tri člana za tekuće predmete.
- 5) Ako se ne postigne kvorum prisustva, u roku od narednih sedam (7) dana se saziva drugi sastanak, gdje najmanje dva (2) od pozvanih svih članova moraju biti prisutni.
- 6) Na prvom sastanku se odluke donose ako ih podrži najmanje 2/3 većina prisutnih članova, a na drugom sastanku ako ih podrži više od pola prisutnih članova. U slučaju neriješenog glasanja, odlučujući glas ima predsjedavajući.
- 7) Ako valjano pozvan član ne prisustvuje sastanku bez opravdanog razloga ili ne glasa na dva uzastopna sastanka, predsjedavajući ga može zamijeniti zamjenskim članom. Predsjedavajući obavještava Upravni odbor o takvoj zamjeni člana, a Upravni odbor može privremeno takvog člana razriješiti funkcije, što odmah stupa na snagu. Uz to, Upravni odbor na svojoj sjednici može donijeti odluku o razrješenju takvog člana.

### **Arbitražna komisija**

#### **Član 67.**

- 1) Arbitražna komisija sastoji se od (3) člana i tri (3) zamjenska člana koji obavezno moraju biti po zanimanju diplomirani pravnici

- 2) Arbitražna komisija zadužena je za razmatranje žalbi protiv odluka svih komisija koje nisu proglašene konačnim u upravnom postupku u skladu sa propisima RS BiH.
- 3) Arbitražna komisija nadležna je za razmatranje žalbi na prvostepene odluke komisija i drugih organa Saveza, osim ako propisima RS BiH, IHFiEHF nije predviđen drugačije.
- 4) Arbitražna komisija ima pravo tražiti stručno mišljenje od stalnih ili ad hoc formiranih komisija po pitanjima iz nadležnosti tih komisija i istim nije vezana u postupku donošenja odluke.

## **17. ZAVRŠNE ODREDBE**

### **Važeći zakoni**

#### **Član 68.**

- 1) U svim slučajevima kada je to potrebno, pored ovog Statuta, pravilnika, direktiva i Poslovnika o radu Skupštine RS BiH, kao i pored odluka nadležnih tijela RS BiH, primjenjivat će se prvo odgovarajući statuti IHF-e i EHF-e, propisi i direktive, kao supsidijarni propis, prije primjene zakonodavstva Bosne i Hercegovine.
- 2) Postupci koji se provode pred statutarnim tijelima RS BiH, vode se u skladu sa relevantnim odredbama propisa RS BiH. Ako ti propisi ne daju odgovor, prvo se primjenjuju odgovarajući statuti IHF i EHF-e, propisi i direktive, kao supsidijarni propis, prije primjene Zakona o upravnom postupku Bosne i Hercegovine.

### **Pitanja koja nisu obuhvaćena Statutom**

#### **Član 69.**

- 1) Upravni odbor RS BiH je ovlašten da odlučuje o svim pitanjima koja nisu obuhvaćena ovim Statutom, ili u slučajevima više sile. On odlučuje u skladu sa pravom i pravdom.

## **18. SPAJANJE , PODJELA I PRESTANAK RADA RS BIH**

#### **Član 70.**

- 1) RS BiH je udružen u Olimpijski komitet BiH a može se udružiti u Sportski savez BiH.
- 2) Odluku o spajanju, podjeli ili prestanku rada donosi Skupština Saveza, 3/4 većinom ukupnog broja članova Skupštine.

### **Član 71.**

- 1) RS BIH prestaje sa radom u slučaju:
  - ako se utvrdi da je RS BIH prestao djelovati na zakonom utvrđen način i
  - ako nadležno ministarstvo donese Rješenje o prestanku rada saveza u skladu sa zakonom.
- 2) Ukoliko jedan član osnivač RS BIH istupi iz članstva RS BiH kontinuitet RS BiH se određuje u skladu sa pozitivno pravnim propisima BiH.

### **Član 72.**

- 1) U slučaju prestanka RS BIH, njegova imovina prenosi se drugoj sportskoj organizaciji u skladu sa odlukom Skupštine

### **Usvajanje Statuta**

### **Član 73.**

- 1) Ovaj Statut usvojen je na sjednici Osnivačke skupštine RS BiH održanoj 10.06.2017.

### **Stupanje na snagu**

### **Član 74.**

- 1) Ovaj Statut stupa na snagu danom usvajanja na sjednici Skupštine RS BiH a primjenjivaće se od dana registracije RS BIH kod Ministarstva pravde BiH.

Broj: 02/2017

Dana:10.06.2017.

**PREDSJEDNIK  
OSNIVAČKE SKUPŠTINE  
Muzurović Gordan s.r.**

